

Dzejvuli

Romons Spaitāns

PALEIDZŌNS

Apruneigus, malnus vōrdus
nōtris šķīznom sīnu
Lobōk lai tī manī vōrdōs,
naaplejūt nivīnu.
Padūms ūrkateigi kņudej
sevi skaidrōt, kōrtōt:
Vysu lai tik vad iz lobu,
ļāunu īsvīst, sōrtā.

Pōrōk ļaudš skrīn pakāļ mōnim,
paraugi jūs dadzeiņ;
Lobōk rōmi paāj sōnim,
pakar līkū vadzi.
Svešā putrā sovu sōli
kam tāv bārņ par vari?
Kotrs sver pa sovai mūdāi,
tu na breinumdaris.

Kū patīσαι bāda mūka,
saukš jys tevi leidzāt;
Vajdzeiga kod tova rūka -
naatlykdams steidzīs!

BOŅUKA KONKURENTAM VĒRDADĪNĀ

Dyžs bej puika mūsu Andris,
Rakstā gudru programē
Veirs kai ūzuls, stolts kei gandris,
Baļstenš - tovu jaukumeņ!
 Šudiņ tá pi mūsu gostūs,
 Reit jau cytur otkon skrīš.
 Nasmōdej jys ļaužu sprostūs,
 Tikai nagryb precātis.
Mūsu maitys veira prosa,
Nasaskōbtu lai kai kvass.
Cyta solta reita rosa,
Cyta svylst kai korstīs prass.
 Šudiņ tova vōrdadīna.
 Lyudzom itū pōrdūmōt!
 Lovīs šur kei kačš pi pīna,
 Gaidāsim ai sīvu klōt!

Inguna Būmane-Lūse

MĪLA PĪDZYMST NU NIKŌ

Mīla pīdzymst nu nikō.

Tei pieški īzarūn - i vyss.

Kļūst dzeivá tai kai pōsokā,

I svāts, i dōrgs ap tevi vyss.

Apžylbst acš, apreibst prōts,

Sirdī ilgys zvona.

Pagaist dūmom mīrs i sōts,

Nav ar ikdīnu vairs gona.

Gribīs cáļtīs, nazkur īt,

Putna spōrnim traukt,

Preteim saulái, zvaigžņom skrīt,

Tai kai pučái plaukt.

Sirdi tōlys ilgys pylda,

Tovi glōsti tai i skaņ,

Kotru jaunu dīnu sylda

Tovi mīlys vōrdi maņ.

Mīla pīdzymst nu nikō

Spōrnus dūdūt ikdīnai.

I ītykusá pōsokā

Tu ceri – beigu nabýš tai.

BURAMVĒRDI

Gunš par palnym,
Par palnym malnim,
Līsmis par aukstumu,
Par aukstumu soltu.

Pa tymsu, pa vieju
Sōpis as sieju
I palyku auksta
Kai lada lauska.

Lai munys ilgys
Pajem naktš soltys,
Lai muna mīla
Dzīst ladā kolta.

Vysam pōri lads i sols,
Vysom jiutom i sajiutom gols.
Soltums lai styndzinoj,
Vieji lai plieš.

Diļtiņ lai dylst,
Gaistiņ lai gaist,
Aiztak kai iudiniņ,
Kai gunkurš dzīst.

Deveiņraiz deveinys
Lada kōrtys
Ap acim, ap sirdi,
Ap munu dzeivi.

Jana Čevere

* * *

Izlaišu motus,
nāušu kōjis,
skrišu iz slūtys
mienesi apskauṭ.
Soki, nav rogonu?
A kas tevi byurá,
kas tevi pīsāja
sudobra dīgā,
naļōvā īleišṭ
kūrmulá olā,
nalaidá aizlidōṭṭ
gōjputnim leidza?

Vita Viluma

* * *

Pīzaglauž suneitš vōrgs i vacs
pi bārnu kōjeņom
nateirom i bosom.
Naīt mīga pálá pi mozīm,
nastōsta pōsaceņu kaid.
Dziļōk zam deča sazaraun augumeni -
gribīs äšt, solts i bailá.
Nav otkon sātā tāva i mōtis
jau trešū dīnu,
tik snīgs aiz lūgu spielejās
zam zvaigžņu soltōm acim.
Klusu šņōkuļoj bierneni.
Jīm Laimis mōtá dečēiti nasakōrtōs,
i Dīvs pologu napaságs -
dzeivis ryugtums birš sirdīs jūs.
Pukst sirsnenis, ir
stypra gryba dzeivōt
i nav nivīna, kas rūku padūtu.

2004. Līga Rundāne

* * *

Izratynoju
Sovus naprōteigūs godus
Pabīži sadeiguši
Kas tī var izaugt
Salidoj putyni manī
I klīdz vysaidim bolsim
Varbūt jī dzīd
Kab mīreitu mani
A manī aptymsums
Īzastōjš

* * *

I aizīt laiks...
I cylvāks sazatryukst,
Ka otkon nazkū īspiejš nav.
Šaļtš svāču boltuma,
Šaļtš āgļu zaļuma, —
I tymsa aizalovōs.
A mās kam teiram,
Nabejušam tycom.

* * *

Máš sazapyņušs vīns ūtrā
I namōkom valī tikṭ
Kōrtejō realitatis lākmá
Atvāsynoĵ
Vīneigi dvāselá
Atsasoka bez tevis tōļōk iṭ

* * *

Bailá palikṭ par rudiná pļovu,
Soltu, izmierkušu i palāku.
Dūṭ jau ir naizsokami labi...
Viņ kur likṭ tū,
Kas palīk napajymts?

* * *

Ar pastīptu sirdi rūkā
Klauveju pi tova cītūkšná
Solts
Tu studáj patš sevi
I nagribi dzierdāṭ nikō
Ari sevi nā
Mýsu dvāselis skumeigi verās
Kai máš tá runojom
Kotrs sovā volūdā

Vyss jau pasaceits
Dväselá apgrízta ar kōjom gaisā
Izkrateitys piedeigōs druponys
Naasu ni tukša ni pylna
Viņ palidōtṅ navaru
Spōrni
Valī palykušs i drusku aiztierpušs
Tu muns Breinums
(kai vysod)
As poša viņ
Drupeiṅ salyuzusá

Dväselis durovys
Žieleigi nūčeikstṅ
Īryusiejušys
Valī bṅšonā
Lepneiba sazarōvusá
Lyzgoj
Munys sapleisušōs vainis